

# Powšitkowne WOZJEWJENJA

njedzeli, 22. septembra 2019

## Nyšpor z požohnowanjom zapřahow

Towarstwo Cyrila a Metoda z.t. přeprašuje tež lětsa na wosebity nyšpor domchowanki z požohnowanjom konjacych zapřahow. Tutón budže njedzeli, 29. septembra, w 14.00 hodž. w Chróscicach na łuce při Hatkach. Wosadni dujerjo nyšpor wobrubja. Wšitcy wěriwi su wutrobnje přeprašeni.

## Knižna premjera „Z Lipicy do hole“

W Budyskim Ludowym nakładnistwje Domowina wušła nowa kniha „Z Lipicy do hole. Wobrazy a powěsće z dawnych časow“, kotruž staj farar Michał Anders a Pětr Lipič zestajajoj, změje swoju knižnu premjeru přichodnu srjedu, 25. septembra, w 19.00 hodž. w awli Serbskeje zakładneje šule „Šula Ćišinskeho“ w Pančicach-Kukowje. Wšitcy zajimcy su wutrobnje přeprašeni.

## Zhromadny dzeń za 1. a 2. lětnik

Džěci 1. a 2. lětnika su sobotu, 28. septembra, wot 9 do 15 hodž. do Don Boskowneho domu we Worklecach přeprašene. Zajimcy njech so prašu hač do wutory, 24. septembra, pod Džěci we Worklecach přizjewja, telefonowe čisło (03 57 96) 88 707. Za wudawki dnja zběra so wot kóždneho wobdžělnika přinošk, kotryž wučinja štyri eura.

## Jězba za 5. a 6. lětnik do Naumburga

Džěci 5. a 6. lětnika su wot póndzele do štwórtka, 14. do 17. oktobra, na jězbu do Naumburga prašene. Wot kóždneho wobdžělnika zběra so přinošk we wysokosci 80 eurow. Zajimcy njech so prašu hač do wutory, 24. septembra, we Worklečanskim Don Boskowym domje přizjewja, telefonowe čisło (03 57 96) 88 707. Jězbu zarjaduje dekanatne dušepastyrstwo za džěci.

## Mandželski seminar

Přizjewjenja za přihot na sakrament mandželstwa wot pjatka do soboty, 29. nowembra do 30. nowembra přijimaja so pisomnje hač do srjedy, 6. nowembra, w Dekanatnym dušepastyrstwje we Worklecach. Formularj k tomu su w cyrkwjach wupožene.

## Chórowy koncert ze zhudźbnjenymi psalmami

Katolski tachantski chór swjateho Pětra přeprašuje na swój lětuši duchowny koncert tutu njedzeli, 22. septembra, we 18 hodž. do Budyskeje tachantskeje cyrkweje. Program pod heslom „Zhudźbnjene psalmy – spěwane modlitwy“ saha wot gregorianiki přez Palestrinu, Mozarta, Rachmaninowa, Kaminskeho a dalších hač do přitomnosće.

## Chórowy koncert w Domje biskopa Bena

W koncertnym rjedze „Mišterske twórby chóroweje hudźby“ prezentuje Serbski ludowy ansambl sobotu, 28. septembra, w 19.30 hodž. znate kaž tež lědma spěwane speciality chóroweje hudźby serbskich, němskich a mjezynarodnych komponistow. Mjez druhim móže so publikum na wujimki z cyklusa „I eat the sun and drink the rain“ za chór a smyčkowy orchester Svena Helbiga wjeselić.

## **Eksercicije za Serbow – Što nas wozboža?**

Lětuše eksercicije za Serbow budu wot pjatka, 8. nowembra, wječora hač do njedźele, 10. nowembra, připołdnja pod temu „Što nas wozboža?“. Wěriwi ze serbskich wosadow su přeprošeni, so na tutech dnjach wobdźelić. Přizjewjenja přijimuju pak direktnje w Exerzitenhaus HohenEichen, Dresdner Str. 73, 01326 Dresden, info@haus-hoheneichen.de, telefonowe čisło (03 51) 2 61 64 10 abo w Chróšćicach na farje, telefonowe čisło (03 57 96) 80 40 22.

## **Dny rozpominanja ze swjatym różowcom**

Modlerske zhromadženstwo swjateho różowca (Rosenkranz-Sühnekreuzzug) pře-wjedže wot pjatka do njedźele, 27. do 29. septembra, w Smochčanskim Domje biskopa Bena dny rozpominanja. Tute nawjedujeta franciskanski pater Benno Mikocki pod temu „Njejsym wšak živy ja, ale živy je we mni Chrystus“ a farar Stefan Thiel pod temu „Hiob a Salomonowa Pěseň pěnjo“. Zajimcy měli so pisomnje pola Rosenkranz-Sühnekreuzzug, Franziskanerplatz 4, A - 1010 Wien, telefonowe čisło w Awstriskej (0043 1 ) 5 12 69 36 abo z mailku pod adresu zent@rsk-ma.at přizjewić.

## **Serbski oratorij „Hrodžišćo“ změje prapremjeru**

Nowy serbski oratorij „Hrodžišćo“ Měrcina Weclicha z Pančic-Kukowa změje přichodnu sobotu, 28. septembra, w 19.30 hodź. swoju prapremjeru w Chróšćanskej „Jednoće“. Jeho wosebity narok běše, raz komponować oratorij za wšitke generacije. To je so jemu z hudźbnej nowostku „Hrodžišćo“, kotruž je loni dokónčil, poradžilo. Teksty za oratorij spisa Madlena Nasticcyna a instrumentalne sadźby su z pjera Malte Rogackeho. Cyłkownje nastaj twórba w štyrjoch dźělach, kotraž klinči cyle za Měrcinom Weclichom. Wobsahowje wopisuje wona pućowanje Słowjanow před 1.300 lěta. Nimo kapały Malte Rogackeho a orchestra Serbskeho ludoweho ansambla smě so publikum na młodych wumělcow 1. serbskeje kulturneje brigady a rejwanskeje skupiny Serbskeho folklorneho ansambla Wudwor wjeselić. Cyłkowny nawod změje cyrkwin-skohudźbny direktor Friedemann Böhme. Dalšej předstajeni noweho oratorija budžetej njedźelu, 29. septembra, w 17.00 hodź. w Chróšćanskej „Jednoće“ a pjatk, 4. oktobra, we 18.30 hodź. w českim Liberecu w awli Techniskeje uniwersity. Zastupne lisćiki w předpredani dóstanu zajimcy pola časnikarja Jürgena Njeka w Chróšćicach, telefonowe čisło (03 57 96) 96 40 abo w Budyskim Serbskim ludowym ansamblu, telefonowe čisło (0 35 91) 358-0. Lisćiki móža so tež z mailku skazać pod ticket@sne-gmbh.com.

## **25. literarna kermuša**

Na swoju tradicionalnu literarnu kermušu a zdobom jubilej přeprošuje Ludowe nakładnistwo Domowina wšitkich zajimcow – 25. raz wuhotuje serbske nakładnistwo lětuši swjatk literatury. A tuž zwjazaj so program čitanja z dalším wjerškom, z knižnej premjeru „Serbskeje protyki 2020“, kotrejež čezišćo je lětsa Njeswačidło. Přeprošujemy wšitkich jara wutrobnje sobotu, 21. septembra, wot 16.30 hodź., do hosćenca „Wosobna korčma“ w Njeswačidle. Program započnje so w 17.00 hodź. Róža Domašcyna, Marko Grojlich a Pětr Šořta wuhotuja zabawny literarny program w serbskej a němskej rěči. Hudźbnje přewodža čitanje Židžinski chór. Po programje wobsteji móžnosć, bjesadować a wječorjeć. Smolerjec kniharnja změje knižne blido z nowostkami a wuběrom nakładnistwoweho programa. Zastupne kartki dóstanu zajimcy při wječornej kasy.